


Alisabatu curo ngojənaye kəndawu arakkua Ala malaiya
Jibərillaa bəla Najarat cani cidi Galileyedəro cunodena
fero kəlayakku laa təmajinju kaduwu Mai Daudaye laa
cunju Isuwuyero leyeno.
Ferodə cunju Meram.



Merambe hangalnju kəla lewa adəyen
jauro cije awi maananjuro kəlanju
cuwori duwon, malaiyadəye tiro:
«Meram, bare rinəmmi, Ala niro
barga dəmnjəgəna. Akko curo
ngonəme tada kongwa
yambəmi, tiro cu Isa yakke.
Ti kam darajaaro walje tia
Tada Mai Samemayelan bowojai.
Ala Kəmande tiro kərmai kaarinju
Mai Daudayedəa ci. Adəgaima jama
Yakubayea har abadaro cunodi,

kərmainju ye
təmmaro ceriwawo.»



Daji Merambe malaiyadəro: «Awiawin
attə yoji, wu ngaltema kwa
nokkənidə?» cəne tia kiworo.

Malaiyadəye tiro: «Ruhu Alaye
kəlanəmbo jəpciye kənduwo Mai
Samemaye nia fofou

gairo jannji. Adə
nangaro tada tayir
nilan tambidəa

*Tada Alayelan
bowojai.»



Yim anin Meram cije duwaduwan bēla cidi
Yahudaye curo kauwa kura kurayen dægana
laaro leje fado Jakariyayero ngaye
Alisabaturu salamgeyeno.

Alisabatu salamnjudəa
fangenniya, tada
curonjuyedə moji kido.
Ruhu Alaye Alisabaturu
jəpciyekowo dunoaro
sapce: «Curo
kamuwayen nima
bargaa wo, tada
curonəmbedə
ye bargaa!»



Akko lawar tambo Isa Almasiwuye. Yanju Meramdə təmaji Isuwuye, amma kawu larusa cade rokko dasayiro, Ruhu Alaye cakke curoaro walyeno. Isuwu təmajinjudə kam jirema, fuwu jamayen tia nanguro njakko cəraannidəro, asərlan tia kolduro nia ngoyeno.



Adə karwunjun duwon, malaiya Kəmandeye laa kənnasimlan tiro fəlediye: «Isuwu kaduwu Mai Daudaye, bare Meramba kamuro ngoduro rinəmmi, Ruhu Alayeman curoaro walyeno. Tada kongwa cambi, ni ye tiro cu Isa yakke, dalilnjudə jamanjua biwunjalan cəkkayi nangaro,» yeno.



Kənəmlan fayenniya, Isuwu awo malaiya Kəmandeye
tiro wuljəgenadəa cəde Meramba kamuro ngoyeno.
Amma tia kamuro nojənni duwon,
har tada kongwa cambe
Isuwu tiro cu Isa kekko.



Jaman adən Kaiser Agustus wada ce am larduwanjuye sammaa komja yeno. Daji am samma bəlanja bəlanjaro tayia komjaro leyeru.



Ngaima duwon Isuwu ye, ti kaduwu Mai Daudaye
nangaro, bēla Najarat cidi Galileyelan cije bēla Mai
Daudaye Baitalami cani
cidi Yahudiyayedəro
leji cənətəmajinju
Meram



curoadəa ngoje tayia komjaro kallo leyera.



Tayi Baitalamilan duwon,
Merambe sanju
njamboye kidənniya,
tada kongwa
karuro kembo.



Kusottoramnin na jəpturam cawandənni nangaro,
Meram tia jenen kəleje curo kalwo kəmboram
ləmannayen sənayeno.



Cidi adən səniya laa karaan dasaana ləmannaña bune
gurejai duwon, malaiya Kəmandeye laa tayiro fəlediye
daraja Kəmandeye nur gai tayia
wasse dirije kəlyenniya,
tai dajane
riyera.



Amma malaiyadəye tayiro: «Bare rinuwwi, akko kawuri
kəji nayiro wulnjagakki, kawuri duwon jama sammaye
karwu kəjjiyidə. Ku bəla Mai

Daudayen Njəkkayimando

tambəna.

Tima

Almasiwu

Kəmadə wo!»



«Akko awo nayiro naptu alamaye cədidə: Timal jenen
kəleyada curo kalwo kəmboram ləmannayen
bowada nagəwi,» yeno.



Sadəman malaiyədəro malaiyəwa kəriwuwu
Kəmandeye kəldagane Alaa congorene:
«Samelan Alaro daraja tio, dunia yen
am



ngurnojənarō
nanlewa
jəpcuwo!» yera.



Malaiyawadə tayia koljane samero
walladaranniya, səniyadəyə kattenjan:
«Ciniyo Baitalamiro leniyo, awo wakkaje
Kəmande andiro isanosaana adəa ruiyo!»
yera.



Daji duwaduwan lejane Meram-a Isuwu-a timal curo kalwo kəmboram ləmannayen bowadadə-aa nayeyera. Tia kerunniya, tayi ye awo malaiyadə kəla tadadəyen tayiro wuljəgenadəa isanoyera.



Jaman Isa bēla
Baitalami cidi
Yahudiyayen
tambēnadēn,
Hirudus ti mai
duwon, ilmuwu

Iaa cidi adinnambe cijane
Jerujalembō isane: «Nda ti mai
yaudiyaye tambēnadē? Sillowunju
adinnamlan culuwuna ruiye tiro
ambəttuwuro kadiye,» cane
keworo.



Daji Mai Hirudus asɛrlan
ilmuwudɛa bowoje sa
sillowudɛ tayiro
fɛledɛgɛnadɛa cuwore
tabbatkeyeranniya, tayia
Baitalamiro cunode tayiro:
«Lenowo hangallayen
tadadɛa manowo! Tia
fanduwiya, lawar sukkudowo,
wu ye lekko tiro
ambɛtkɛgɛkko!»
yeno.



Mana Maiyedəa fangeranniya, ilmuwudə jawal ngojane
leyera. Ledu cadi duwon, akko sillowu adinnamlan
culuwe carunadə fuwunjaro koje leje,
har na tadadə dəganadəa
nayeyenniya, tak dayeno.



Daji fadodero ngasaye tadadə-a yanju Meram-aa carune tungurumjane tadadero ambətkeyera. Ajanja kajane tiro dinar so, kaaji so, kawudi so kedo. Daji Kəmande kənnasimlan tayia galaje bare na Mai Hirudussero waldanni yenniya, jawal gade ngojane lardunjaro walladara.



Ngawo ilmuwudə saptanayen,
malaiya Kəmandeye laa
kənnasimlan Isuwuro fəlediye:

«Cine tadadə-a yanju-aa
ngone Masarro kasowo
lenowo, nadən har kawu
mana njadəkkiro
nammowo, dalilnjudə
Mai Hirudus tadadəa
njejoro

maji nangaro,» yeno.




Daji Isuwu cije buneman
tadadə-a yanju-aa ngoje
Masarro lejane, nadən har
karmo Mai Hirudussero
napkera. Adəgaima awo
Kəmande kuren ci
nawiyen wuljənədə
wakkayeno. Tiye:
«Tadania Masarnin
culuworo

bowokkəna,» cənnə.



Mai Hirudus ilmuwudə tia
jambajanaro asuyenniya, fum
gərgaje wada ce kəla sa
ilmuwudə tiro tabbaccanayen
tadawa kongwa kərwu
yindia-a yindi cadənni-a bəla
Baitalamiye-a bəladəyanju-alan
dasaana



sammaa roro keyeso.





Ngawo Mai Hirudus
bawojənayen, Masarnin
malaiya Kəmandeye laa
kənnasimlan Isuwuro
følediye: «Cine tadadə-a
yanju-aa ngone lardu
Israyilawuyero
waldənowo, am duwon
tadadəa roro njejoro

majaide sanuna
nangaro,» yeno.



Amma Mai Arkilawus cuju
bawanju Mai
Hirudussero cidi
Yahudiyayea
cunodidəro



fangenniya, Isuwu
nadəro ngaworo riyeno. Daji
Kəmande kənnasimlan tia galayenniya,
cidi Galileyro lejobəla laa Najarat canidən napkeno.





Adəgaima awo
Kəmande kuren ci nawiyyen
wuljənədə wakkayeno. Tayiye: «Tia
kam Najarattelan bowojai,» canna.



Awoa Ala duniadēa jaumaro
cēraye Tadanju tilo lok kaino, wundu
duwon tia kasaccēnamadē bare
faccēgēnni, amma ro sawisoye
cuwando nangaro.



Romanwu 3:23 Tayi samma biwu cadəna ye, daraja Alaye najaganni ye,

Romanwu 6:23 Awoa alwasi biwuyedə karmo, amma kənjə Alayedə Kəmande Isa Almasiwuyen ro sawisoye.

Ibranawu 9:27 Jiři kam fallo nuiro kadargada, koro ngawo adəyen sai sharadə gai,

Afisawu 2:8,9 Awoa serlaman kambərseyen njəkkawo kiwanduw, koro adə nayiyen gəni isi, tidə kənjə Alaye, kidandoyen gəni, bare wunduma awulo juwunniro.



Romanwu 10:9,10 Cinəmlan «Isama Kəmadə wo!» nəme karwunəmlan Ala tia karmolan cəsangənaro kasatkemma, njəkkawo fandəmi. Awoa karwulaman kam mərsaje jiremaro walji, koro cilaman kasacce njəkkawo cuwandi,

Yahaya 3:16,17 «Awoa Ala duniadəa jaumaro cəraye Tadanju tilo lok kaino, wundu duwon tia kasaccənamadə bare faccəgənni, amma ro sawisoye cuwando nangaro. Ala duniaro shara njəddoro gəni Tadanjudəa kinodo, amma tilaman duniadəa cəkkaworo.»

1 Yahaya 5:11-13 Shedadə tima Ala andiro ro sawisoye sadəna, koro ro adə Tadanjun kərga. Kam duwon Tadadəa cuwandənamadə ro cuwandəna. Kam duwon Tada Alayea cuwandənnidə ro cuwandənni. Nayi cu Tada Alayea mərsanuwwadəro awo ania ruwunjagakkəna, ngainin ro sawisoye fanduwwaro nonuwwa.



Matiyu 1-2; Luka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Manga Kanuri NT (kby) © (Active), SIM International

<https://live.bible.is/bible/KBYWBT/MAT/1>

©2026 Bible for Children, Inc.

www.M1914.org

www.bibleforchildren.org

